



XALQ DEPUTATLARI ANDIJON VILOYATI KENGASHINING Q A R O R I

Andijon shahar, Abdurauf Fitrat ko'chasi 239-uy

2023 - yil 10 - yanvar

VI-45-4-1-0-K/23

Andijon viloyati hokimligi

Андижон вилояти бўйича қишлоқ хўжалигига мўлжалланмаган ерлар учун жисмоний ва юридик шахслар бўйича мутлақ миқдорда белгиланган базавий солиқ ставкасига киритилаётган камайтирувчи ва оширувчи коэффициентларни тасдиқлаш ҳақида

Ўзбекистон Республикаси Солиқ кодексининг 429 ва 437-моддалари ва Ўзбекистон Республикаси Президентининг 2020 йил 3 декабрдаги “Ресурс солиқлари ва мол-мулк солиғини янада такомиллаштириш тўғрисида”ги ПФ-6121-Фармонининг 4-бандига мувофиқ вилоят молия бош бошқармаси ва давлат солиқ бошқармасининг “қишлоқ хўжалигига мўлжалланмаган ерлар учун жисмоний ва юридик шахслар бўйича мутлақ миқдорда белгиланган базавий солиқ ставкасига киритилаётган камайтирувчи ва оширувчи коэффициентлар” лойиҳаси бўйича киритган таклифлари муҳокама этиб, Ўзбекистон Республикаси “Маҳаллий давлат ҳокимияти тўғрисида”ги Қонунининг 6-, 24-моддаларига асосан халқ депутатлари Андижон вилояти Кенгаши

Қ А Р О Р Қ И Л А Д И:

1. Ўзбекистон Республикаси Молия вазирлигининг 2022 йил 9 декабрдаги 06/04-34/4103-сонли ҳамда вилоят давлат солиқ бошқармасининг 2022 йил 19 декабрдаги 19/10-103835-сонли хатлари асос учун қабул қилинсин.

2. “Қишлоқ хўжалигига мўлжалланмаган ерлар учун жисмоний ва юридик шахслар бўйича мутлақ миқдорда белгиланган базавий солиқ ставкасига киритилаётган камайтирувчи ва оширувчи коэффициентлар” миқдорларини белгилаш бўйича вилоят давлат солиқ бошқармасининг таклифи маъқуллансин.

3. Мазкур қарор билан:

Андижон вилояти ҳудудида қишлоқ хўжалигига мўлжалланмаган ерлар учун юридик шахслар бўйича мутлақ миқдорда белгиланган базавий солиқ ставкасига киритилаётган камайтирувчи ва оширувчи коэффициентлар миқдорлари 1-иловага мувофиқ,

Андижон вилояти ҳудудида қишлоқ хўжалигига мўлжалланмаган ерлар учун жисмоний шахслар бўйича мутлақ миқдорда белгиланган базавий солиқ ставкасига киритилаётган камайтирувчи ва оширувчи коэффициентлар миқдорлари 2-иловага мувофиқ тасдиқлансин.

Бунда,

Солиқ идораларига жисмоний шахслардан олинадиган ер солиғи (якка тартибдаги тадбиркорлардан ташқари) суммаси 2022 йил учун ҳисобланган солиқ суммасининг 1,3 бараваридан ошмаслиги лозимлиги;

туман ва шаҳар халқ депутатлари Кенгашларига вилоят халқ депутатлари Кенгаши томонидан белгиланган ер солиғи ставкаларига қишлоқ хўжалигига мўлжалланмаган ерлар учун, уларнинг ҳудудларида жойлашган даҳа, массив, маҳалла, кўча кесимида 0,7 дан 3,0 гача камайтирувчи ва оширувчи коэффициентларни киритиш ҳукуқи берилганлиги алоҳида кўрсатиб ўтилсин.

4. Вилояти ҳокимининг биринчи ўринбосари Д.Каримов, вилоят молия бош бошқармаси (С.Раҳманов), вилоят Давлат солиқ бошқармаси (Р.Насимов) 3 кун муддатда қишлоқ хўжалигига мўлжалланмаган ерлар бўйича мутлақ миқдорда белгиланган базавий солиқ ставкасига киритилаётган коэффициентларни шаҳар ва туманларга етказилишини таъминласин.

5. Халқ депутатлари туман (шаҳар) Кенгашларига:

бир ҳафта муддатда ушбу қарорнинг 1 ва 2-иловаларига асосан белгиланган солиқ ставкаларига ҳудудларида жойлашган даҳа, массив, маҳалла, кўча кесимида 0,7 дан 3,0 гача камайтирувчи ва оширувчи коэффициентларни қўллаш бўйича муҳокамалар ўтказиб, муҳокамалар якуни бўйича тасдиқланган солиқ ставкаларни жойлардаги солиқ органларига тақдим этиш;

қарор иловасига асосан белгиланган солиқ ставкаларига нисбатан камайтирувчи ва оширувчи коэффициентларни келгуси йил учун маҳаллий бюджет даромадлари прогнозидан ҳамда мамлакатимизда иқтисодий фаолликнинг тикланганлиги ҳамда аҳоли ва тадбиркорларнинг даромадлари барқарорлашганлигидан келиб чиққан ҳолда қўллашлари тавсия этилсин.

6. Андижон вилояти Давлат солиқ бошқармаси (Р.Насимов):

а) ер солиғи бўйича тасдиқланган солиқ ставкаларини 2023 йил 15 январга қадар барча солиқ тўловчиларга солиқ тўловчининг шахсий кабинети орқали етказилишини;

б) ҳудудий солиқ органлари билан биргаликда:

Ўзбекистон Республикаси Солиқ кодексида белгиланган ваколатларидан келиб чиқиб, солиқларнинг тўлиқ ва тўғри ҳисобланишини ҳамда ўз вақтида бюджетга ундирилишини назоратга олиб бориш;

тегишли бюджетнинг ижро этилиши жараёнида унга тушумларни кўпайтириш бўйича қўшимча захираларни аниқлаш;

ер солиғининг солиқ базасини ошириш, яъни хатлов ишларини самарали ташкил этиб боришини таъминласин.

7. Мазкур қарор “Андижоннома” ва “Андижанская правда” газеталарида расмий эълон қилинсин ҳамда вилоят ҳокимлигининг расмий веб-сайтига жойлаштирилсин.

8. Ушбу қарор расмий эълон қилинган кундан бошлаб кучга киради.

9. Ушбу қарорнинг ижросини назорат қилиш Халқ депутатлари вилоят Кенгашининг маҳаллий бюджетни шакллантириш ва ижро этиш, иқтисодий ислохотларни амалга ошириш ва тадбиркорликни ривожлантириш масалалари доимий комиссияси зиммасига юклатилсин.

Кенгаш раиси



Ш.Қ.Абдурахманов

Xalq deputatlari Andijon viloyat
Kengashining
2023 yil 10 yanvardagi
VI-45-4-1-0-K/23-son qaroriga
1-ilova

2023 йил учун Андижон вилояти шаҳар ва туманлар бўйича юримдик шахсларнинг қишлоқ хўжалигига мўлжалланмаган ерлари учун ер солиғининг базавий ставкасига нисбатан Андижон вилояти халқ депутатлари кенгаши томонидан белгиланган коэффициентларга мувофиқ қўлланилиши лозим бўлган солиқ ставкалари

Шаҳарлар ва туманлар номи	Коэффициент миқдори	*Солиқ суммаси (1 гектар учун, сўмда)
Андижон шаҳар	1,10	42 900 000
Хонобод шаҳар	0,83	32 370 000
Олтинқўл тумани	0,66	25 740 000
Андижон тумани	0,78	30 420 000
Балиқчи тумани	0,66	25 740 000
Бўстон тумани	0,72	28 080 000
Булоқбоши тумани	0,66	25 740 000
Жалакудук тумани	0,66	25 740 000
Избоскан тумани	0,66	25 740 000
Улуғнор тумани	0,64	24 960 000
Қўрғонтепа тумани	0,77	30 030 000
Асака тумани	0,78	30 420 000
Марҳамат тумани	0,66	25 740 000
Шаҳрихон тумани	0,78	30 420 000
Пахтаобод тумани	0,66	25 740 000
Хўжаобод тумани	0,72	28 080 000

*Ўзбекистон Республикаси Солиқ кодексининг 429-моддасига мувофиқ, Андижон вилоятида юримдик шахслар учун қишлоқ хўжалиги учун мўлжалланмаган ерлар бўйича ер солиғининг базавий ставкаси 1 гектар учун 39,0 млн.сўм қилиб белгиланган. Қўлланилиши лозим бўлган солиқ суммаси базавий ставкани коэффициентга кўпайтириш орқали аниқланади.

Xalq deputatlari Andijon viloyat
Kengashining
2023 yil 10 yanvardagi
VI-45-4-1-0-K/23-son qaroriga
2-ilova

2023 йил учун Андижон вилояти шаҳар ва туманлар бўйича жисмоний шахсларнинг қишлоқ хўжалигига мўлжалланмаган ерлари учун ер солиғининг базавий ставкасига нисбатан Андижон вилояти халқ депутатлари кенгаши томонидан белгиланган коэффицентларга мувофиқ қўлланилиши лозим бўлган солиқ ставкалари

Шаҳарлар ва туманлар номи	Коэффицент миқдори	Солиқ суммаси (1 кв.метр учун, сўмда)
Андижон шаҳар	1,12	394
Хонобод шаҳар	0,77	271
Олтинкўл тумани	0,66	232
Андижон тумани	0,76	268
Балиқчи тумани	0,67	236
Бўстон тумани	0,72	253
Булоқбоши тумани	0,66	232
Жалақудуқ тумани	0,66	234
Избоскан тумани	0,66	234
Улуғнор тумани	0,64	225
Қўрғонтепа тумани	0,77	272
Асака тумани	0,79	278
Марҳамат тумани	0,66	234
Шаҳрихон тумани	0,78	275
Пахтаобод тумани	0,66	232
Хўжаобод тумани	0,68	239

*Ўзбекистон Республикаси Солиқ кодексининг 437-моддасига мувофиқ, Андижон вилоятида жисмоний шахслар учун қишлоқ хўжалиги учун мўлжалланмаган ерлар бўйича ер солиғининг базавий ставкаси 1 кв.метр учун 352,0 сўм қилиб белгиланган. Қўлланилиши лозим бўлган солиқ суммаси базавий ставкани коэффицент миқдорига кўпайтириш орқали аниқланади.

Мисол: Андижон шаҳри учун $352,0 \cdot 1,0 = 352,0$ сўм